

Op deser Réunion huelen nieft der ganzer Equipe d'Inspekteren als Presidenten vun der Commision Médico-Psycho-Pédagogique däl. Donieft können och nach Leit geruff gin dei net zur Commission MPP geheieren, dei awer mam Fall ze dinn hunn. D'Fäll gin all einzeln diskuteiert, d'Equipe schleit bestömmte Mossnahmen viir an d'Commissioun entscheed op an a wat fir enger Form se ugewand gin.

No der Sötzung schwätzt de Psycholog nach eng Keier mat den Haptbetroffenen, Elteren, Leierpersounen an esou weider, fir hinnen matzedeelen wat entscheed gin ass. Duerno lafen d'Hellefsmossnahmen un. Zum Schluss vum Schouljoer göt de Fall oft nach eng Keier mam Schoulmeeschter diskuteiert fir ze gesinn wei d'Kand weiderkönnt.

Wat fir Höllefsmassnahmen gin haptsechlech getraff? De Schweierpunkt leit ouni Zweifel um pädagogesche Plang. Am Service selwer kreien enzel Kanner oder kleng Gruppen gezielt gehollef duerch eis Pädagogen souwei duerch Kollejinnen, dei op de freien Nomettercher mat kleng Gruppen schaffen. Duerch des Hellef sollen d'Kanner leieren mat der Matière emzegoen, sech ze konzentrieren, rationell a mat Ausdauer ze schaffen. Hirt Selbstvertrauen soll gestärkt gin an hirt Leeschtungsvermeigen gesteigert gin.

Wann d'Kand awer esou schwach ass das et neierens me' matkönnt, da könnt et an eng classe de perfectionnement wou seng Entwecklung bestänneg iwerwaacht get.

Bis elo ass de Brill di eenzeg Schoul wou e Schoulmeeschter an eng Leierin freigestallt gi sin fir mat Kanner a kleng Gruppen Förderunterrecht ze machen. Et kann een nömmen hoffen, das dei Entwecklung an dénen âneren Gebeier virugeet.

No de pädagogeschen Hellefsmassnahmen könnt de Block vun de psychologeschen Hellefen: Gespreicher mat Kanner an Elteren, Spilltherapie, verhaltenstherapeutesch Behandlung vun Entwecklungssteierungen (z.B. Bettnässer)

En dretten Deel vu Mossnahmen sin duerch dei aktuell Schoulstruk-